



KETE MANARUA

Ngā Mahi a te Rēhia 2024

92063 Te whakaatu māramatanga ki ngā huānga toi rēhia


NGĀ WHIWHINGA: 4

92064 Te whakamahi i ngā āhuratanga toi rēhia kia puta ai he mahinga toi.

NGĀ WHIWHINGA: 4

Ka tūwhera a 'MyNZQA' ki te tuku i te Kete Manarua hei te 1 o Oketopa.


Ka kati a 'MyNZQA' hei te 30 o Oketopa, 2024

A close-up photograph of a woven basket. The basket is made of natural fibers, likely flax or reeds, which have been dyed in various colors including shades of blue, purple, green, and brown. The weaving pattern is a complex, multi-colored twill or similar weave. In the center of the image, there is a semi-transparent dark grey rectangular box containing white text in a serif font. The text is a Māori proverb. The background shows the intricate texture and vibrant colors of the woven material, with some loose fibers visible at the bottom right corner.

*“Ko te manu e kai
ana i te miro
nōnā te ngahere;
ko te manu e kai
ana i te mātauranga
nōnā te ao...”*

Ngā Ihirangi

He Kupu Whakataki	4
Tūmahi Aromatawai (92063)	6
Tūmahi Aromatawai (92064)	13
Kupu Taka	18



Kete Manarua

Ka maka te pakapaka, ka ohu te karoro

Kete - ko te kete i pū mai i te pā harakeke me tōna whakapapa.

Manarua – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te ākonga. Tuarua, ko te mana o te ākonga, ko tōna whānau, hapū, me tōna iwi hoki, ko tōna ake mana motuhake tonu.

Te Motuhēhē o ngā mahi

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi, me mātua mōhio nei te Pouako, nāu anō ngā mahi i whakarite, i whakatakoto.

Hei akiaki tonu i te hāponotanga o āu mahi katoa me whakamahi anō koe i āu ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai āu nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

Te Tāpae i te Kete Manarua

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakī anō hoki e te Kaiako te Pukauhi Kete Manarua mō ia kōpaki Kete Manarua ka tukua kia aromatawaia.

Māu anō āu mahi e tukuatu i te tuatahi. Tēnā, matakia te ataata, tikiake rānei i ngā tohutohu e whakaatu ana me pēhea te tuku atu i ngā tāpaenga Kete Manarua mā te pūnaha hou [[How-to Resource](#)].

Mēnā kei te hiahia āwhina ki te tuku atu i ngā tāpaenga Kete Manarua, tēnā, kōrero ki tō Kaiako, ā, māna koe e awahi, e tautoko.



Māori Woven Artwork. Photo credit: Rafael Ben-Ari. Adobe stock (#67581275).



NGĀ MAHI Ā TE RĒHIA

92063 Te whakaatu māramatanga ki ngā huānga toi rēhia

(Kaupae 1, Whiwhinga 4)

Kairangi	Kaiaka	Paetae
Ka tau te whakaatu māramatanga ki ngā huānga toi rēhia.	Ka ariari te whakaatu māramatanga ki ngā huānga toi rēhia.	Ka whakaatu māramatanga ki ngā huānga toi rēhia.

Tūmahi Aromatawai

He Whakamāramatanga

I konei āta matapakitia ai ngā huānga toi rēhia e TORU e kitea ana i ngā rauemi whakaoho e rua o raro iho nei, arā, ko te kapa haka, me te kanikani tērā.

E rua ngā huarahi e tutuki ai tēnei o ngā aromatawai:

Kōwhiringa A: Tuhituhi

150 kupu te roa mō ia huānga toi rēhia.

Kōwhiringa E: Kōrero ā-waha

Kia 1 mēneti neke atu te roa mo ia pātai.

Ngā Tohutohu

1. Kōwhiritia he aha hei mahi māu. Mēnā rānei ko te tuhituhi, mēnā rānei ko te kōrero ā-waha.
2. Mātakihia i ngā rauemi-whakaoho e rua.
3. Matapakitia i ngā huānga toi e kitea ana i ngā rauemi-whakaoho e rua.
4. Whakahāngaitia i ngā huānga toi rēhia mā te tuhituhi rānei, mā te kōrero ā-waha rānei.

Ngā Huānga Toi Rēhia

Ko ngā āhuatanga tātai o tētahi mahinga toi.

Hei tauira, ko te:

- Hononga
- Nekehanga
- Mokowā
- Reo
- Oro
- Hāngū
- Āhua
- Tauhanga
- Whakaaro Mataaho
- Whakaaro matahuna
- Tauira
- Tauaro
- Paparanga
- Taurite

Ngā Rauemi Whakaoho

Angitū - Haka | Te Matatini 2023



Video credit: TVNZ & Te Matatini. (<https://www.youtube.com/watch?v=RPVq0NImxDQ>)

Whāngārā-Mai-Tawhiti - Haka | Te Matatini 2023



Video credit: Whakaata Māori & Te Matatini. (<https://www.youtube.com/watch?v=Ynf4b4b9gKM&t=1125s>)

Kōwhiringa A: Tuhituhi

Ko tāu mahi he whakaatu māramatanga ki ngā huānga i roto i ngā toi rēhia. E rua ngā haka hei aromātai, hei tātari, hei arohaehae māu. E toru rawa ngā tūmahi e ea ai i a koe te wāhanga tuhituhi. Me āta pānui koe i ngā tūmahi, kia tino mārama ai koe ki te āhua o tāu tāpae tuhinga.

Pātai 1:

Whakaingotia mai nga huānga toi rēhia e **TORU** e kitea ana i te haka a **Angitū**. Whakamārama mai ōu mōhiotanga ki aua huānga me te hononga ki te haka nei.

Mahinga toi rēhia	Te Haka a Angitū
Huānga 1: Kia 150 kupu te roa	
Huānga 2: Kia 150 kupu te roa	
Huānga 3: Kia 150 kupu to roa	

Pātai 2:

Whakaingotia mai nga huānga toi rēhia e **TORU** e kitea ana i te haka a **Whāngārā Mai Tawhiti**. Whakamārama mai ōu mōhiotanga ki aua huānga me te hononga ki te haka nei.

Mahinga toi rēhia	Te Haka a Whāngārā Mai Tawhiti
Huānga 1: Kia 150 kupu te roa	
Huānga 2: Kia 150 kupu te roa	
Huānga 3: Kia 150 kupu to roa	

Pātai 3:

Whakahāngaitia tētahi huānga toi rēhia e kitea ana i te haka a **Angitū** me te haka a **Whāngārā Mai Tawhiti**. Whakamārama mai ōu mōhiotanga ki taua huānga me te hononga ki te haka nei. Kia whānui, kia hōhonu ngā kōrero.

Mahinga toi rēhia	Te Haka a Angitū me te haka a Whāngārā Mai Tawhiti
Huānga: Kia 150 kupu te roa	

Kōwhiringa E: Ā-Waha

Ko tāu mahi he whakaatu māramatanga ki ngā huānga i roto i ngā toi rēhia. E rua ngā haka hei aromātai, hei tātari, hei arohaehae māu. E toru rawa ngā pātai hei whakautu māu e ea ai koe te wāhanga ā-waha. Me āta pānui koe i ngā pātai, kia tino mārama ia ki te āhua o tāu tāpae whakautu. Ka mutu, me whakahāngai tonu koe i ngā huānga toi rēhia i roto i ngā rauemi whakaoho.

Pātai 1:

Whakaingotia mai nga huānga toi rēhia e **TORU** e kitea ana i te haka a **Angitū**. Whakamārama mai ōu mōhiotanga ki aua huānga me te hononga ki te haka nei. Kia **kotahi meneti** neke atu te roa.

Pātai 2:

Whakaingotia mai nga huānga toi rēhia e **TORU** e kitea ana i te haka a **Whāngārā Mai Tawhiti**. Whakamārama mai ōu mōhiotanga ki aua huānga me te hononga ki te haka nei.

Kia **kotahi meneti** neke atu te roa.

Pātai 3:

Whakahāngaitia tētahi huānga toi rēhia e kitea ana i te haka a **Angitū** me te haka a **Whāngārā Mai Tawhiti**. Whakamārama mai ōu mōhiotanga ki taua huānga me te hononga ki te haka nei. Kia whānui, kia hōhonu ngā kōrero.

Kia **kotahi meneti** neke atu te roa.

MĀTĀPUNA:

Angitū | Te Matatini 2023 | Haka -

Kapa Haka. (2023, March 22). *Angitū | Te Matatini 2023 | HAKa* [Video]. YouTube. Video Credit to TVNZ & Te Matatini. <https://www.youtube.com/watch?v=RPVq0NlmxDQ>.

Whāngārā Mai Tawhiti | 2019 Te Matatini -

Haka Bro. (2022, December 5). *Whāngārā Mai Tawhiti | 2019 Te Matatini | Finals Day Full performance*. [Video]. YouTube. Video Credit to Whakaata Māori & Te Matatini. <https://www.youtube.com/watch?v=Ynf4b4b9gKM>.




NGĀ MAHI Ā TE RĒHIA

92064 Te whakamahi i ngā āhuatanga toi rēhia kia puta ai he mahinga toi.

(Kaupae 1, Whiwhinga 4)

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Tūmahi Aromatawai



Ngā Kaiwero ki Eden Park, Tāmaki Makaurau. Pikitia nā: Eden Park.

Manahua Te Tapu

Manahua te tapu o Nukutawhiti

Manahua te tapu o Hoturoa

Manahua te tapu o Tamatekapua

Manahua te tapu o Toroa

Manahua te tapu o Pāoa rāua ko Kiwa

Manahua te tapu o Tamatea-Ariki-Nui

Manahua te tapu o Whātonga

Manahua te tapu o Turi

Manahua te tapu o Manaia

Manahua te tapu o Māui

Ka waiho i konei ngā kōrero tuku iho mō te terenga mai i Hawaiiki ki Aotearoa hei kaupapa mō tēnei mahinga toi rēhia.

Mē whakatakoto koe i tētahi mahinga toi rēhia ā-whakaaturanga nei. Ka **1-3 miniti te roa** o te whakaaturanga, ā, me noho mai hoki he paku tauākī e whakamārama ana i tāu kaupapa hei aromatawai i te paerewa nei.

E taea ana e koe te mahi takitahi, te mahi ā-rōpū rānei ki te rangahau kōrero me te whakarite mahi, engari me mātua takitahi te whakatakoto taunakitanga mō te aromatawai ā-waho.

Tūmahi 1

I konei tutuki ai koe i te whakaputa i tētahi mahinga toi rēhia mā te whakatinana i ngā āhuatanga toi rēhia.

Ngā Tohutohu

1. Wānangahia te aha te momo mahinga toi ka whaia.
2. Kōwhiria tētahi āhuatanga o ia toi rēhia hei whakaatu, hei whakatinana i te whakaaturanga toi rēhia 1 -3 mēneti te roa.
3. Whakaritea te ara e tutuki ai ngā āhuatanga toi rēhia i te mahinga toi.
4. Whakatinanahia ngā āhuatanga toi rēhia mā te mahinga toi

He kupu whakamaumahara: Me hāngai te mahinga toi rēhia ki te kaupapa/te horopaki.

Ngā Momo Mahinga Toi

E taea ana te mahinga toi rēhia te whakaatu ā-takitahi, ā-takirua, ā-rōpū rānei, hei tauira:

- he whakaaturanga ā-takitahi (he kanikani, he whaikī tōtahi, he rotarota, he whakaari, he matataki rānei)
- he whakaaturanga ā-rōpū (he tū ā-kapa haka, he whakaari, he kanikani, he mahi whakapiki wairua, he haka tapere).

Me whai rautaki tautohu ai te ākongā kō wai ia ki te whakaaturanga ki te tū ā-rōpū. (He rārangi, he ira, he aha atu rānei).

Ngā āhuatanga toi rēhia

Ngā āhuatanga katoa e hāngai ana ki te mahi waihanga toi rēhia, arā:

- ngā ariā toi rēhia pēnei me te kōrero pūrākau, te whakapapa, te aronga ā-iwi,
- ngā tukanga toi rēhia pēnei me te rangahau, te whakarite, te whakamahere,
- ngā huānga toi rēhia pēnei me te nekehanga, te mokowā, te oro,
- ngā pūkenga toi rēhia pēnei me te arohaehae, te arotake, te manawanui,
- ngā nuka toi rēhia pēnei me te kura huna, te ngangahu, te poi, te wiri.

Ehara i te mea, me mahi te katoa; ko te tikanga ia, kia kōwhiria ngā āhuatanga e hāngai ana ki te horopaki.

Tūmahi 2

Ko te tauākī whakamārama, he kohinga kōrero o ngā mahi me ngā rauemi kua kohia, kua raupapahia e koe hei tautoko i te ahunga mai o te mahinga toi rēhia i roto i te tau. Ka whakaatu koe i ōu māramatanga ki ngā tikanga matua o ngā āhukatanga toi rēhia e hāngai nei ki te mahinga toi rēhia. Heoi anō ko tāu mahi he tuku mai i tāu tauākī whakamārama ā-tuhinga rāpopoto, ā-reo arataki rānei. Me tīpako koe i tētahi o ia āhukatanga toi rēhia, arā, he pūkenga, he tukanga, he huānga, he ariā anō hoki.

He tauākī whakamārama ā-tuhinga rāpopoto:

Tautohua ngā āhukatanga toi rēhia i tīpakohia e koe.	
Te pukenga	
Te tukanga	
Te Huānga	
Te ariā	
Mahinga toi rēhia	

Whakamārama ā-tuhinga rāpopoto, he aha ngā āhukatanga toi rēhia i kōwhiria mē te take i kōwhiria. Kia neke atu i te 100 kupu te roa.

He tauākī whakamārama ā-reo arataki:

Tautohua ngā āhukatanga toi rēhia i tīpakohia e koe.	
Te pukenga	
Te tukanga	
Te Huānga	
Te ariā	
Mahinga toi rēhia	

Whakamārama ā-reo arataki, he aha ngā āhukatanga toi rēhia i kōwhiria mē te take i kōwhiria. Kia neke atu i te 3 miniti te roa.

MĀTĀPUNA:

Ngā Kaiweroki Eden Park, Tāmaki Makaurau -

Elmhirst, Lynn. *Learn to haka on the All Blacks' rugby team's home ground*. Jubilee Travel. <https://www.jubileeonline.ca/blog/learn-to-haka-on-the-all-blacks-rugby-teams-home-ground>.

Kupu Taka

Kete Manarua	Kohinga taunakitanga nā te ākongā.
Pae pāhopori	Ngā pae matihiko o ngā whatunga papori pēnei i a Paeāhua, TikTok rānei.
Pātai matawhawhati	Ngā pātai kua rere māori noa, kāore he whakamōhio tōmua.
Pukauhi taunakitanga	He whārangi whakarārangi me te whakatūturu i ngā taunakitanga.
Tāpaetanga	Te tuku i ngā mahi.